


დაზღვევის პირობები

სს თიბისი ბანკის სასაზღვრო მიზნების დაზღვევა

TBCLI/001/19



ტერმინთა განმარტება

მზღვეველი - სს „თიბისი დაზღვევა“;

დამზღვევე(ებ)ი - ფიზიკური პირი ან პირები, რომლებიც წარმოადგენენ სს „თიბისი ბანკის“ საცალო საკრედიტო პროდუქტის მსესხებლებს ან/და თანამსესხებლებს და იხდიან სადაზღვევო პრემიას მოსარგებლის მეშვეობით;

დაზღვეული - სს „თიბისი ბანკის“ მსესხებელი/თანამსესხებელი;

მოსარგებლე - პირი, რომელიც უფლებამოსილია სადაზღვევო შემთხვევის დადგომისას მიიღოს სადაზღვევო ანაზღაურება. წინამდებარე ხელშეკრულების მიზნებისთვის მოსარგებლეს ყოველთვის წარმოადგენს სს „თიბისი ბანკი“;

სადაზღვევო თანხა - თანხის მაქსიმალური ოდენობა, რომლის ფარგლებშიც მზღვეველი ვალდებულია სადაზღვევო პერიოდის განმავლობაში დამდგარი სადაზღვევო შემთხვევისას, გასცეს სადაზღვევო ანაზღაურება მოსარგებლეზე. ყოველი კონკრეტული დაზღვეულისთვის სადაზღვევო თანხის ოდენობა განისაზღვრება მოსარგებლეს და დამზღვევს შორის გაფორმებული საკრედიტო ხელშეკრულებით განსაზღვრული სესხის ძირითადი თანხითა და პოლისში განსაზღვრული პროპორციის შესაბამისად;

სადაზღვევო ანაზღაურება - წარმოადგენს თანხის ოდენობას, რომელსაც მზღვეველი უხდის მოსარგებლეს სადაზღვევო შემთხვევის დადგომისას და უდრის სადაზღვევო შემთხვევის დადგომის მომენტისთვის დამზღვევს და მოსარგებლეს შორის გაფორმებული საბანკო კრედიტის ხელშეკრულებაზე თანდართული კრედიტის დაფარვის გრაფიკით განსაზღვრული დარჩენილი ძირითადი თანხის პროპორციული წილის შესაბამისად. სადაზღვევო ანაზღაურება მზღვეველის მიერ მოსარგებლეზე ყოველთვის გაიცემა სადაზღვევო თანხის ფარგლებში;

სადაზღვევო შემთხვევა - დაზღვეული პირის ნებისმიერი მიზეზით (გარდა ხელშეკრულებით განსაზღვრული გამონაკლისი შემთხვევებისა) გამოწვეული გარდაცვალება ან უბედური შემთხვევით გამოწვეული სრული მუდმივი ქმედუნარობა;

უბედური შემთხვევა - გაუთვალისწინებელი და მოულოდნელი შემთხვევა, გამოწვეული თვალსაჩინო გარეგანი ძალების ზემოქმედებით, რომელიც განაპირობებს დაზღვეულის გარდაცვალებას ან დაზღვეულის სრული მუდმივი ქმედუნარობის დადგომას;

ქმედუნარობა - მდგომარეობა, როდესაც ფიზიკური პირი ვერ ახერხებს თავისი ნებითა და მოქმედებით სრული მოცულობით შეიძინოს და განახორციელოს სამოქალაქო უფლებები და მოვალეობები;

დაზღვევის ტერიტორია - მთელი მსოფლიო;

სადაზღვევო პერიოდი - დროის შუალედი, რომლის განმავლობაშიც მოქმედებს სადაზღვევო დაფარვა;

მაქსიმალური სადაზღვევო თანხა - ნებისმიერი ასაკობრივი კატეგორიის კონკრეტული მსესხებლისთვის / თანამსესხებლისთვის (დაზღვეულისთვის) გათვალისწინებული სადაზღვევო თანხების ჯამი, რომელიც შეადგენს 500,000 (ხუთასი ათასი) აშშ დოლარს. სადაზღვევო შემთხვევის დადგომისას მზღვეველი არ აანაზღაურებს მაქსიმალურ სადაზღვევო თანხაზე მეტ თანხას, მიუხედავად ამ მომენტისთვის მსესხებლის/თანამსესხებლის მიმდინარე დარჩენილი საკრედიტო დავალიანებისა (სესხების ძირითადი თანხების ჯამი);

სადაზღვევო პრემია - დამზღვევს(ებს) და მზღვეველს შორის გაფორმებული სადაზღვევო პოლისით გათვალისწინებული ყოველთვიური პრემიის სრული ოდენობა, რის სრულად გადახდაზეც პასუხისმგებელია დამზღვევი(ები) მოსარგებლის მეშვეობით.

დაზღვევის საგანი

წინამდებარე დაზღვევა ითვალისწინებს სადაზღვევო ანაზღაურების გაცემას მოსარგებლეზე დაზღვეული პირის ნებისმიერი მიზეზით, მათ შორის, უბედური შემთხვევით გამოწვეული გარდაცვალების ან უბედური შემთხვევით გამოწვეული სრული მუდმივი ქმედუნარობის შემთხვევაში, გარდა ამ დოკუმენტით გათვალისწინებული გამონაკლისებისა.

1. ვინ შეიძლება იყოს დაზღვეული / დაზღვევის პროცედურა

1.1 დაზღვეულის ასაკი დაზღვევის ძალაში შესვლის თარიღისთვის არ უნდა იყოს 18 წელზე ნაკლები.

1.2 იმ შემთხვევაში, თუ დაზღვეული განეკუთვნება 18-დან 65 წლის ასაკობრივ კატეგორიას და ამავდროულად სადაზღვევო თანხა ნაკლებია ან შეადგენს 200,000 (ორასი ათასი) აშშ დოლარს ან 400,000 (ოთხასი ათასი) ლარს, მზღვეველის მიერ მსესხებლის/თანამსესხებლის გარდაცვალების რისკზე დაზღვევა ხორციელდება ამ დოკუმენტით გათვალისწინებული დამატებითი ჯანმრთელობის მდგომარეობის შესაფასებელი პროცედურების გავლის გარეშე.

- 1.3 იმ შემთხვევაში, თუ დაზღვეული განეკუთვნება 18-დან 65 წლის ასაკობრივ კატეგორიას და ამავდროულად სადაზღვევო თანხა აჭარბებს 200,000 (ორასი ათასი) აშშ დოლარს ან 400,000 (ოთხასი ათასი) ლარს, მზღვეველის მიერ მსესხებლის/თანამსესხებლის გარდაცვალების რისკზე დაზღვევა ხორციელდება შემდეგი პირობების დაცვით: დაზღვეული, მოსარგებლის მეშვეობით იღებს ვალდებულებას დაზღვევის გაფორმებამდე წარუდგინოს მზღვეველს დაზღვეული პირის მიერ შევსებული ჯანმრთელობის განაცხადი. შევსებული განაცხადის საფუძველზე, მზღვეველის მიერ ხორციელდება რისკის ინდივიდუალური შეფასება და პრემიის/პირობების განსაზღვრა. მსესხებლის/თანამსესხებლის მიერ აღნიშნული განაცხადის შევსებაზე (ხელისმოწერაზე) უარის გაცხადების შემთხვევაში ან თუ ვერ ხერხდება რისკის სამედიცინო შეფასება, დაზღვეული ითვლება დაზღვეულად და სადაზღვევო შემთხვევის დადგომის შემთხვევაში მზღვეველის მიერ სადაზღვევო ანაზღაურების გაცემა განხორციელდება შემდეგი პრინციპის დაცვით:
- 1.3.1 სადაზღვევო თანხა მზღვეველის მიერ ანაზღაურდება სრულად, დაზღვეულის გარდაცვალების მიზეზის მიუხედავად (არსებული გამოწვევების გათვალისწინებით), იმ შემთხვევაში, თუ გარდაცვალების მომენტისათვის დაზღვეულის სასესხო ვალდებულება მოსარგებლის მიმართ არ აღემატება 200,000 (ორასი ათასი) აშშ დოლარს ან 400,000 (ოთხასი ათასი) ლარს.
- 1.3.2 იმ შემთხვევაში თუ გარდაცვალების მომენტისათვის დაზღვეულის სასესხო ვალდებულება მოსარგებლის მიმართ აღემატება 200,000 (ორასი ათასი) აშშ დოლარს ან 400,000 (ოთხასი ათასი) ლარს, მზღვეველის მიერ გაცივმა ანაზღაურება ფიქსირებულად 200,000 (ორასი ათასი) აშშ დოლარს ან 400,000 (ოთხასი ათასი) ლარის ოდენობით ამ დოკუმენტის პირობების შესაბამისად. დარჩენილი დავალიანების ანაზღაურება მზღვეველის მიერ მოხდება მხოლოდ იმ შემთხვევაში, თუ დადასტურდება, რომ გარდაცვალება გამოიწვია უბედურმა შემთხვევამ.
- 1.4 უბედური შემთხვევით გამოწვეული სრული მუდმივი ქმედუნარობის რისკზე მსესხებლის/თანამსესხებლის დაზღვევა ხდება შემდეგი პირობებით: 18-55 წლის ასაკის მსესხებლის/თანამსესხებლის შემთხვევაში მაქსიმალური სადაზღვევო თანხა შეადგენს 100,000 (ასი ათასი) აშშ დოლარს, ხოლო 56-65 წლის ასაკის მსესხებლის/თანამსესხებლის შემთხვევაში 50,000 (ორმოცდაათი ათასი) აშშ დოლარს.
- 1.5 იმ შემთხვევაში, თუ მსესხებლის/თანამსესხებლის ასაკი სესხის გაცემის მომენტისათვის მეტია 65 წელზე, მიუხედავად სადაზღვევო თანხის ოდენობისა, პირის დაზღვევა ხორციელდება მხოლოდ უბედური შემთხვევით გამოწვეულ გარდაცვალების რისკზე, ამასთან ანაზღაურდება მსესხებლის/თანამსესხებლის ჯამური დავალიანების შესაბამისი თანხა, მაგრამ არაუმეტეს 50,000 (ორმოცდაათი ათასი) აშშ დოლარისა. სესხის გაცემის მომენტში მსესხებლის/თანამსესხებლის მაქსიმალური შესაძლო ასაკია 70 წელი.
- 1.6 თუ დაზღვეული პირის ასაკი 65 წელზე მეტია, იგი ავტომატურად დაზღვეულია მხოლოდ გარდაცვალების რისკზე, ხოლო თუ დაზღვეული პირის ასაკი მეტი იქნება 70 წელზე, პირი ავტომატურად დაზღვეულია მხოლოდ უბედური შემთხვევით გამოწვეული გარდაცვალების რისკზე. აღნიშნული დაზღვევა მოქმედია 75 წლის ასაკის ჩათვლით.
- 1.7 იმ შემთხვევაში თუ მოსარგებლესა და დაზღვეულს შორის დადებულ სესხის ხელშეკრულებაში მონაწილეობს თანამსესხებელი, მზღვეველი უზრუნველყოფს თანამსესხებლის სიცოცხლის დაზღვევას, სესხში მისი წილის პროპორციული სადაზღვევო თანხის ფარგლებში, წინამდებარე მუხლით განსაზღვრული პირობების შესაბამისად. სადაზღვევო შემთხვევის დადგომისას მზღვეველის მიერ ანაზღაურდება სადაზღვევო თანხის ის წილი, რომელიც მითითებული იყო მოცემული თანამსესხებლისთვის შესაბამის პოლისში.
- 1.8 მზღვეველს უფლება აქვს რისკის ინდივიდუალური შეფასების პროცესში მოითხოვოს დამატებითი სამედიცინო გამოკვლევები.

დაფარული რისკები

წინამდებარე დაზღვევით დაზღვევი აზღვევს საკუთარ ფინანსურ ინტერესს შემდეგ რისკებზე:

- დაზღვეული პირის გარდაცვალება ნებისმიერი ბუნებრივი მიზეზით;
- დაზღვეული პირის გარდაცვალება, გამოწვეული უბედური შემთხვევით;
- დაზღვეული პირის სრული მუდმივი ქმედუნარობის დადგომა, რომელიც გამოწვეულია უბედური შემთხვევით.

2. გამოწვევები

2.1. წინამდებარე პირობების თანახმად, დაზღვეულის გარდაცვალების რისკის დადგომის შემთხვევაში დამდგარი ზარალი მზღვეველის მიერ არ ანაზღაურდება თუ ის პირდაპირ, ან არაპირდაპირ გამოწვეულია შემდეგი მოვლენებისგან:

- 2.1.1. ნარკოტიკული ნივთიერებების, ტოქსიკური, ფსიქოტროპული ან ალკოჰოლური ნივთიერებების ზემოქმედება;
- 2.1.2. თვითმკვლელობა და თვითდაზიანება;

- 2.1.3. საქართველოს (ან გარდაცვალების ადგილის მიხედვით შესაბამისი ქვეყნის) სისხლის სამართლის კოდექსით გათვალისწინებულ კანონსაწინააღმდეგო ქმედებებში დაზღვეულის მონაწილეობა;
 - 2.1.4. ომში (გამოცხადებული ან გამოუცხადებელი), სამოქალაქო ომში, აჯანყებაში, რევოლუციაში, გაფიცვაში, ხელისუფლების სამხედრო გადატრიალებაში დაზღვეულის ნებაყოფლობითი მონაწილეობა;
 - 2.1.5. დაზღვეულის გარდაცვალების მიზეზი გახდა წინამდებარე დაზღვევით პირდაპირ ან ირიბად დაზღვეულის წარმომადგენლის განზრახ ქმედება;
 - 2.1.6. დაზღვეულის ფსიქიკური ავადმყოფობა, მაგრამ ეს შეზღუდვა არ ვრცელდება პირებზე, რომლებიც ფსიქიკურად დაავადდნენ იმ სესხის ხელშეკრულების გაფორმების შემდეგ, რომელზეც არის მიბმული წინამდებარე პირობებით რეგულირებადი სიცოცხლის დაზღვევა;
 - 2.1.7. დაზღვეულის ისეთი მდგომარეობა, როდესაც ის საჭიროებს მუდმივ მოვლას (დახმარებას ყოველდღიური საყოფაცხოვრებო აქტივობის შესასრულებლად), მაგრამ ეს შეზღუდვა არ ვრცელდება პირებზე, რომლებიც აღმოჩნდნენ აღნიშნულ მდგომარეობაში ამ სესხის ხელშეკრულების გაფორმების შემდეგ, რომელზეც არის მიბმული წინამდებარე პირობებით რეგულირებადი სიცოცხლის დაზღვევა;
 - 2.1.8. დაზღვეულის მონაწილეობა შემდეგი მაღალი რისკის მატარებელ აქტივობებში: საბრძოლო სახეობები, აკვალანგიტ ყვინთვა, კლდეზე ცოცვა, ალპინიზმი, პარაშუტით ხტომა, ავტო და მოტო რბოლა, მღვიმეებსა და გამოქვაბულებში მოგზაურობა, მთაში ველოსიპედებით მოგზაურობა, ექსტრემალური სპორტის სახეობები წყალზე, ექსტრემალური სპორტის სახეობები, ავიაცია და მასთან დაკავშირებული სპორტის სახეობები და სხვა;
 - 2.1.9. მაიონიზირებელი გამოსხივება, გარემოს რადიაქტიული დაბინძურება, ბირთვული გამოსხივება;
 - 2.1.10. ამ დოკუმენტით გათვალისწინებული მზღვევლის მიერ ზარალის შესაფასებლად აუცილებელი საბუთების სრულყოფილად წარმოდგენლობა;
 - 2.1.11. თუ დაზღვევის პროცესში დამზღვევის/დაზღვეულის მიერ არასწორად იქნა ინფორმაცია მოწოდებული დაზღვეულის შესახებ, რასაც შეიძლება არსებითი გავლენა ჰქონოდა რისკის შეფასებისას;
 - 2.1.12. საავიაციო რისკები, გარდა იმ შემთხვევისა, როდესაც დაზღვეული წარმოადგენს რეგულარული ან ჩარტერული ავიარეისის მგზავრს;
 - 2.1.13. ავტომობილის მართვა შესაბამისი მართვის მოწმობის გარეშე;
 - 2.1.14. არაგონივრული უარყოფა სამედიცინო დანიშნულებისა;
 - 2.1.15. თუ გარდაცვალების შესახებ სამედიცინო დოკუმენტაციაში მითითებულია, რომ გარდაცვალების მიზეზი უცნობია, მზღვეველი უფლებას იტოვებს აანაზღაუროს ზარალი არაუმეტეს 20,000 (ოცი ათასი) ლარის ოდენობისა.
- 2.2. წინამდებარე პირობების თანახმად, უბედური შემთხვევით გამოწვეული დაზღვეულის სრული მუდმივი ქმედუნარობის რისკის დადგომის შემთხვევაში, დამდგარი ზარალი მზღვეველის მიერ არ ანაზღაურდება თუ ის პირდაპირ ან არაპირდაპირ გამოწვეულია შემდეგი მოვლენებისგან:
 - 2.2.1. დაზღვეული გადაადგილდება საჰაერო ხომალდით (რეაქტიული ძრავით ან ძრავის გარეშე), პლანერით, კოსმოსური ხომალდით ან პარაშუტის მეშვეობით;
 - 2.2.2. დაზღვეული მართავს საჰაერო ხომალდს ან წარმოადგენს საჰაერო ხომალის ეკიპაჟის წევრს;
 - 2.2.3. თვითმკვლელობის მცდელობა ან განზრახ თვითდაზიანება;
 - 2.2.4. დაზღვეულის ნებისმიერი სახის სატრანსპორტო საშუალების უმაღლესი სიჩქარის გამოცდაში მონაწილეობა მძღოლის, შტურმანის ან მგზავრის სტატუსით;
 - 2.2.5. მაიონიზირებელი გამოსხივება, გარემოს რადიაქტიული დაბინძურება, ბირთვული ენერგია, რადიაცია ან მათ შედეგებით გამოწვეული უბედური შემთხვევა;
 - 2.2.6. დაზღვეულის მიერ არალიცენზირებულ სამედიცინო დაწესებულებებში მკურნალობის კურსის ან თვითმკურნალობის შედეგად გამოწვეული ჯანმრთელობის გაუარესება;
 - 2.2.7. უბედურ შემთხვევას, რომელიც გამოწვეულია შესაბამისი ორგანოების მიერ შეუმომწმებელი საკვებით ინტოქსიკაციით;
 - 2.2.8. უბედური შემთხვევა, რომელიც გამოწვეულია მალთაშუა დაზიანებით, შინაგანი ორგანოებიდან სისხლდენით, ან/და ტვინში სისხლის ჩაქცევით;
 - 2.2.9. ფსიქიკური რეაქციით გამოწვეული პათოლოგიური მოშლილობა, განურჩევლად ფსიქიკური რეაქციის გამომწვევი მიზეზისა;
 - 2.2.10. ამ დოკუმენტით გათვალისწინებული მზღვეველის მიერ ზარალის შესაფასებლად აუცილებელი საბუთების სრულყოფილად წარმოდგენლობა.

3. სადაზღვეო ანაზღაურების გაცემის საფუძვლები

- 3.1 დაზღვეულის წარმომადგენელი (დაზღვეულის მემკვიდრე) მოსარგებლის მეშვეობით ვალდებულია სადაზღვეო შემთხვევის დადგომის შესახებ ინფორმაციის მიღებიდან უმოკლეს ვადებში, მაგრამ არაუგვიანეს 1 (ერთი) თვისა, მიაწოდოს შესაბამისი ინფორმაცია მზღვეველს.
- 3.2 მზღვეველი ვალდებულია სადაზღვეო შემთხვევის შესახებ შეტყობინების მოსარგებლის მხრიდან მიღების შემდეგ გონივრულ ვადებში უზრუნველყოს დაზღვეულის წარმომადგენელთან დაკავშირება და შემდეგი საბუთების გამოთხოვა:
- დაზღვეულის გარდაცვალების მოწმობის დედანი ან ნოტარიულად დამოწმებული ასლი;
 - სამედიცინო ცნობა, რომელშიც მითითებული იქნება გარდაცვალების გამომწვევი მიზეზ(ებ)ი და დაავადების განვითარების სტადიები;
 - გარდაცვალების ეპიკრიზის (ამონაწერი ავადმყოფობის ისტორიიდან) ასლი (ასეთის არსებობის შემთხვევაში);
 - დაზღვეული პირის უბედური შემთხვევით გამოწვეული გარდაცვალების შემთხვევაში, შესაბამისი სამართალდამცავი ორგანოების მიერ შედგენილი და ხელმოწერილი აქტი;
 - დაზღვეულის სრული მუდმივი ქმედუნარობის დადგომის შემთხვევაში სასამართლოს ან შესაბამისი კომპეტენტური ორგანოს გადაწყვეტილება პირის ქმედუნაროდ ცნობის თაობაზე (აღნიშნული საბუთის წარმოდგენა დამზღვევის მიერ აუცილებლობას წარმოადგენს მხოლოდ იმ შემთხვევაში, თუ მზღვეველის მიერ კონკრეტული სადაზღვეო შემთხვევის გარემოებების ზუსტად განსაზღვრისათვის აუცილებლად ჩათვლის მის მოთხოვნას) და შესაბამისი სამედიცინო დასკვნა;
 - სასესხო ხელშეკრულების ასლი;
 - დაზღვეულის პირადობის მოწმობის ასლი.
- 3.3. კონკრეტული შემთხვევიდან გამომდინარე, მზღვეველი იტოვებს უფლებას მოითხოვოს წინამდებარე მუხლში ჩამოთვლილი საბუთებისგან განსხვავებული დამატებითი საბუთების წარმოდგენა კონკრეტული სადაზღვეო შემთხვევის გარემოებების ზუსტად დადგენის მიზნით.
- 3.4. კონკრეტული შემთხვევიდან გამომდინარე, მზღვეველი იტოვებს უფლებას გარდაცვალების მიზეზის ან ქმედუნარობის ხარისხის დაზუსტების მიზნით ჩაატაროს/მოითხოვოს დამატებითი მოკვლევა/ექსპერტიზა. ასეთი გამოკვლევა/ექსპერტიზის ჩატარების თაობაზე გადაწყვეტილების მიღებას წინ უნდა უძღოდეს დაზღვეულის წარმომადგენელთან (მემკვიდრე) და მოსარგებელსთან შეთანხმება.
- 3.5. დამატებითი მოკვლევა/ექსპერტიზასთან დაკავშირებული ხარჯები დაზღვეულის წარმომადგენელს (მემკვიდრეს) და მზღვეველს შორის ნაწილდება შემდეგი პრინციპის მიხედვით:
- იმ შემთხვევაში, თუ ჩატარებული მოკვლევა/ექსპერტიზის დასკვნის საფუძველზე დადგინდა, რომ სადაზღვეო შემთხვევა ექვემდებარება ანაზღაურებას, ექსპერტიზის ხარჯები მზღვეველის მიერ გამოიქვითება გასაცემი სადაზღვეო ანაზღაურებიდან.
 - იმ შემთხვევაში, თუ ჩატარებული მოკვლევა/ექსპერტიზის დასკვნის საფუძველზე დადგინდა, რომ სადაზღვეო შემთხვევა არ ექვემდებარება ანაზღაურებას, ექსპერტიზის ხარჯები თანაბრად განაწილდება დაზღვეულის წარმომადგენელს (მემკვიდრეს) და მზღვეველს შორის.
- 3.6. მზღვეველი გასცემს სადაზღვეო ანაზღაურებას დაზღვეულის (მსესხებლის/თანამსესხებლის) გარდაცვალების დღისთვის არსებულ მიმდინარე დავალიანებას - სესხის ძირითადი თანხა - მხოლოდ წინამდებარე პირობების მეორე მუხლის პირობების შესაბამისად და სესხში დაზღვეულს (მსესხებლის/თანამსესხებლის) წილობრივი მონაწილეობის გათვალისწინებით.
- 3.7. დაზღვეულის გარდაცვალების შემთხვევაში 3.2 პუნქტში განსაზღვრული ყველა აუცილებელი დოკუმენტაციის მიღების შემდგომ მზღვეველი 15 (თხუთმეტი) სამუშაო დღის ვადაში გასცემს მოსარგებელზე წინამდებარე დაზღვევის პირობების შესაბამისად განსაზღვრულ სადაზღვეო ანაზღაურებას ან უარს ეტყვის მოსარგებელს ანაზღაურებაზე.
- 3.8. უბედური შემთხვევით გამოწვეული დაზღვეულის სრული მუდმივი ქმედუნარობის დადგომის შემთხვევაში (რომელიც დადგინდება უბედური შემთხვევის დადგომიდან 6 (ექვსი) თვის გასვლის შემდეგ) მე-5 მუხლში განსაზღვრული ყველა აუცილებელი დოკუმენტაციის მიღების შემდგომ მზღვეველი 15 (თხუთმეტი) სამუშაო დღის ვადაში გასცემს სს „თიბისი ბანკზე“ წინამდებარე დაზღვევის პირობების შესაბამისად განსაზღვრულ სადაზღვეო ანაზღაურებას ან უარს იტყვის ანაზღაურებაზე.